

ফ্রাঙ্ক

বিষ্ণুপ্রিয়া ভাষার মুখপত্র
সম্পাদক—শ্রীকুঞ্জবাবু সিংহ রাজবংশী।

১ম বর্ষ]

এপ্রিল, ১৯৬০ ইংরাজী।

[২য় সংখ্যা

অভিনন্দন

উৎসর্গর উত্তরে

অতীতর আধার কুণ্ড মাঙছে দিনর কথা নিংশিঙে
আনলে বিষ্ণুপ্রিয়ারকা জবর দুঃখ আহান আহের।
সর্বস্ব অস্ত্র বোলিয়া হারপেইতয় বোলতেও বিষ্ণুপ্রিয়ায়
আজি পেয়া নিজরে হারপা' হুয়েইল। নিজর মেইংহান
নিজে নাদেহিয়ার বোলিয়া মেংশেলর প্রয়োজন আছে।
ঔসাদে করে নিজর পরিচয়, গরিমা হাবিতা হারপেইকু
বোললে জ্ঞানর মেংশেল আকেইহান লাগের। আমারতা
ঔসাদে মেংশেলর অভাব আছে। কিহানলো আমি
দশগোর মুঙে পরিচয় দিতাং? হুদ্বা বজ্রবাহনর নাতি
নাতেল বোলিয়া দেমাক আকচুটিলো মাঙ্কনার শেপ
আকেইছিটা গিললে চলতয়হান নাগৈ। যে গোরব-
হানরে মনর নিভৃত নিকুঞ্জগোং ইতু করিয়া থছি, ঔহানর
ঔনাপা ক্রিয়াকর্ম করিয়া আত্মশক্তি প্রকটিত করে
পারলেহে আমার নরজন্ম সার্থক অইতো নাই।
কিন্তমান আমি হুওয়ারেছি; ক্রিয়াকর্ম না করেছি
বোলিয়াই আমি হুওয়ারেছি।

আজিভ: অকরে শতাব্দী ছহান আগে ক্ষমূল
রাজত্ব থাইতে মনিপুরে শাস্তদাস বোলিয়া সাধু আগো

‘রামাউং’ ধর্ম প্রচাররকা আঁহেছিল। ঔবাকা মেইতেই
রাজত্বয় হেজিঙ উঙা বোলের সময়হান। ক্ষমূল রাজায়
সাধুঔগোরে মাতল—“প্রভো! আমিতে বিষ্ণুপূজা
করিয়ার মাহু; তা'রো আমারে তি বিষ্ণুধর্ম দীক্ষা দিয়া
যাগা।” সাধু ঔগোয় মাতলো, “ঔতাতে-হে
মহারাজা, বিষ্ণুপূজা করে আহরাই গিরিগিথানী তুমি
হাবি বিষ্ণুপ্রিয়া বোলিয়া বিখ্যাত অই।” ‘বিষ্ণুপ্রিয়া’
উপাধির জন্মহান অইলতাই এসাদে। এতার আগে
খুমল, মৈরাং, আঙম, লোয়াং এসাদে নাঙলো আমার
বপাবপি ঔতা পরিচিত আঁছিল। এ কপাল থিপা
বিষ্ণুপ্রিয়ার সেবারকা যে প্রচেষ্টা ও অক, মি ঔহানরে
অন্তরগলো সশ্রদ্ধ অয়া গ্রহণ কররি। বারো সর্বস্ব
অন্ত বিষ্ণুপ্রিয়ার সেবক ঔতারে মর আন্তরিক ধন্যবাদ
জানাউরি। জয়তু শ্রীহরি:। ইতি—

সেবকাধম—

শ্রীজগৎ মোহন সিংহ

১২।৪।৬০ইং।

অধ্যাপক, নর্মালস্কুল, শিলচর।

বিষ্ণুপ্রিয়া ভাষা শিক্ষা

শ্রীধনেশ্বর সিংহ

রামকৃষ্ণ মিশনরোড, শিলচর।

ভারতীয় ভাষাগুলির বেশীর ভাগই সংস্কৃত ভাষার রূপান্তর অথবা ছাপযুক্ত। পণ্ডিতগণ বলেন বাঙ্গালা, অসমীয়া হিন্দি প্রভৃতি ভাষা প্রকৃত সংস্কৃত হইতে উদ্ভূত। বিষ্ণুপ্রিয়া ভাষাও উপরোক্ত ভাষাগুলির সমগোত্রিয় তাহা আলোচনা করিলেই বোঝা যাইবে। অবশ্য মণিপুরে বাস করার সময় প্রতিবেশী জাতির ভাষা হইতে অনেক শব্দ এই ভাষায় প্রবেশ করিয়াছে। প্রত্যেক জীবন্ত জাতির ভাষাতে স্বাভাবিক ভাবে অন্য ভাষার শব্দ ও ভাব স্থান লাভ করে। ঐ সব শব্দ প্রতিষ্ঠাভাষার নিজস্ব রূপে রূপান্তরিত হইয়া যায়। বাঙ্গালা বা অসমীয়া ভাষা ভাই-বোনেরা যদি আলোচ্য ভাষার নিজস্ব রূপটি ধরিয়া ফেলিতে পারেন তাহা হইলে অতি সহজেই এই ভাষা আয়ত্ত্ব করা যাইবে। সম্পূর্ণ মনের ভাব প্রকাশ করিতে শব্দ সংস্থার অভাব আর বাধ সাধিতে পারিবে না যদি বাঙ্গালা বা অসমীয়া শব্দ এই ভাষার রূপে গঠন করিয়া লইতে পারা যায়। আমার আলোচনায় ঐ রূপটি প্রকাশ পাইয়া যদি কাহারও এই ভাষায় কথা বলার বা লিখার অভ্যাস জন্মে তবে নিজকে কৃতার্থ মনে করিব।

নিম্নের বিশেষ্য শব্দগুলি লক্ষ্য করুন—

বিষ্ণুপ্রিয়া	বাঙ্গালা	অসমীয়া
বাপক	বাবা	বোপাই
মালক (ইমা)	মা	আই
দাদাক	দাদা	ককাদেউ
পিহনক	পিসি	পেঁহী
ভনক	ভগ্নী	ভনী
হমাঝক	সই, সখী	সখী
মামাক	মামা	মোমাই
ভৈয়ক	ভাই	ভাই
বপাক	ঠাকুরদা	ককা
ভাগিনক	ভাগিনী	ভগ্নী
ভাগিনাক	ভাগিনের	ভাগিন
পিহাতাক	পিসা	পেহা
খুড়তাক	খুড়া (কাকা)	খুড়া
দেহরক	দেবর	দেবৰ
বৌঝক	বৌদি	বৌ
হয়নক (গিদেই)	দিদি	বাইদেউ

কাহারো ও সম্পর্ক প্রকাশ করা হইলে সম্পর্ক জ্ঞাপক মূল শব্দের শেষে সাধারণতঃ 'ক' যুক্ত হয়। সংজ্ঞা বা ব্যক্তিবাচক বিশেষ্য পদ সম্বন্ধে ঙ্গী বিভক্তি হইলে শব্দের শেষে কেবল 'র' যুক্ত হয়। যেমন—

বিষ্ণুপ্রিয়া	বাঙ্গালা	অসমীয়া
রামর বাপক দশরথ	রামের পিতা দশরথ	ৰামৰ বাপেক দশৰথ।
লক্ষণর বৌঝক সীতা	লক্ষণের বৌদি সীতা	সীতা লক্ষণৰ বৌয়েক।
জনকর জিলক সীতা	জনকের কন্যা সীতা	সীতা জনকৰ জিয়াৰি।
রাবণর পুতক মেঘনাদ	রাবণের পুত্র মেঘনাদ	মেঘনাদ ৰাবণৰ পুতেক।
রামর উদাক বিভিন্ন	রামের মিত্র (বন্ধু) বিভিন্ন	বিভিষণ ৰামৰ মিত্র।
রাধার ননদক কুটীলা	রাধার ননদ কুটীলা	কুটীলা ৰাধাৰ ননদ।

নিম্নের শব্দগুলি দেখুন—

বিষ্ণুপ্রিয়া	বাঙ্গালা	অসমীয়া	বিষ্ণুপ্রিয়া	বাঙ্গালা	অহমীয়া
মাহু	মাহুৰ	মাহুহ	পাখীয়া	পাখী	চৰাই
গোক	গরু	গক	পোক	পোকা	পোক
গেই	গাভী	গাই	আতি	হাতী	হাতী
বলদা	বলদ	বলদ	হরপ	সর্প	সাগ
ছো	ছোট শিশু	কেছুব	টেঙাৱা	পাহাড়	পাহাৰ
দ্যো	দেবতা	দেবতা	বামণ	ব্রাহ্মণ	বামুন

জাতিবাচক বিশেষ্য পদে ১টি বুঝাইলে (নির্দিষ্ট) পদের শেষে 'গো' যুক্ত হয়। নির্দিষ্ট ১টি হইলে 'গো' এবং একাধিক হইলে 'গি' যুক্ত হয়। যদি পরিমাণ বা সংখ্যা দেওয়া থাকে তাহা হইলে সংখ্যার সহিত 'গো' যুক্ত হয়, বিশেষ্য পদটির সহিত যুক্ত হয় না। যেমন :—

বিষ্ণুপ্রিয়া	বাঙ্গালা	অসমীয়া
এহাত আর মাহু নেই	এখানে অন্য মাহুৰ নাই	ইয়াত আন মাহুহ নাই।
গান্ধী মাহুগো নাগর দ্যো গো	গান্ধী মাহুৰ নহে, দেবতা	গান্ধী মাহুহ নহয় দেবতা।
করিমর গোক দুগো	করিমের ২টা গরু	কৰিমৰ ২টা গরু আছে।
বিহাত তিনগো মহিষ আছি	জমিতে ৩টি মহিষ আছে	পথাৰত ৩টা মহ আছে।
মাঠ গোত ছো গি খেলতারা	মাঠে শিশুরা খেলে।	পথাৰত লৰাবিলাকে খেলিছে।
টেঙাৱাগোত আতি দুগো কাইতারা	পাহাড়টিতে ২টি হাতী উঠিতেছে	পাহাৰটোলে ২টা হাতী উঠিছে।

হে ভগবান

শ্রীমধুসূদন সিংহ শিক্ষক

পাথরকান্দি

আমার ক্ষুতি আমার ঠার

আমার এলা আমার নার

জবর হবাক জবর হবাক

জবর হবাক হে ভগবান। (১)

আমার জাত আমার ধান

আমার জাতর হাবির মান

জবর হবাক জবর হবাক

জবর হবাক হে ভগবান। (২)

আমার উয়াসাক আমার আশা

আমার কাম আমারনাছা।

ফল ধরক ফল ধরক

ফল ধরক হে ভগবান। (৩)

আমার ঠই আমার মন

আমার জাতর হাবি জন

এক অইক এক অইক

এক অইক হে ভগবান। (৪)

হোভা পৌহান

শ্রীভারত চন্দ্র সিংহ

সহ: সম্পাদক, পরিচালক সমিতি।

নূরু বাংলা বছরহানে পয়লা আমার ঘরে হমা
আয়তে হোভা পৌ ছুহানুলো আয়া হমেইলা পইলা
পৌহান মাতলোতায় পাখারকানি এম, তি স্কুলর
নম্মাল মেট্রিক পাশ করিয়া এবছর আই, এ, পরীক্ষা
দেছে শিক্ষক মধুসূদন সিংহ গিরক উগই বিষ্ণুপ্রিয়া
ভাষালো স্কুলর পাঠ্যোপযোগী লেরিক প্রথমভাগ
আহান বারো দ্বিতীয়ভাগ আহান ইকরিয়া লমক
রেছে। দ্বিতীয়ভাগ লেরিকহানাত তুলেছে পদ্য
উহান তলে ইকরেদিলাং। পাঠহানর নাংহান
'হে ভগবান'। আরাক পৌহান মাতলোতাই
প্রতাপগড়ের নালীবাড়ী গাঙে সোতসিং এম, তি,
স্কুলর হেউপণ্ডিত পূজনীয় তাম্বাসেনা সিংহ নম্মাল
পাশ শিক্ষক গিরক উগই বর্ণবোধ লেরিক আহান
ইকরিয়া লমকরানি বিস্তাকরেছে। প্রত্যেক অক্ষরগর
ভলে ছবি আকেইহান ইকরেছে।

লেইরাপা সেবক সমিতি এহানে উদ্দেশ্যহানতে
চিন্তা করিয়া লেপকরিয়া সমাজর ভিতরেস্ত কোন-
রকমর আশাভরসা নাপেয়া একমাত্র ভগবানরে
নিংকরিয়া চাতক পাহীয়াগর ডেকি কাদিয়া কাদিয়া
বয়া আছি। সময়হানাং প্রকৃত হঠাৎ বরণর ফোটা
আহানু ছুহানু বেলোয়া আরাকৌ দেনার লক্ষণ আহান
দেহার হানুতে আশার সাগরে ডুবিয়া থাইলাং
মধুসূদন বারো তাম্বাসেনা বাবুর সমাজ অনুরাগী-
হানরে সমিতিহানে প্রশংসা করিয়ার।

সমিতির তরফেস্ত স্কুলর পাঠ্যলেরিকর সাহিত্য
ব্যাকরণর নমুনা পত্রিকাহানর দ্বিতীয় সংখ্যাহানাং
নিকালানিরকল্পনা আছিল; হাবিতা ঠিকঅনার পিছে
ছানি বিচারে গিয়া নিকুলিলতাই মাদয়গাঙর

ভাষাহানু আমার লগে আছে, তাহুরে বেলোয়া আমি
লেরিক ইকরে হুয়ারিয়ার। ঔ কারণে ভাষা দিহানর
মিশ্রণ ভাষালো আহের পূজার বন্ধে ব্যাকরণআহানু
লেংকরানির ব্যবস্থা করিয়ারতা। ব্যাকরণহান ইকরে
বেলে উহানর গজে ভারহানদিয়া অন্যান্য লেরিকর
ব্যবস্থা করতাঙায়, সন্দেহ বা চিন্তার কারণ নেই।

স্কুলর পাঠ্য লেরিক প্রথমমান হইতে গজর শ্রেণীর
সাহিত্য উতা লেখক আক্গর ইকরা পাঠ উতালো
না চলের। বিভিন্ন লেখকের পাঠ থানা লাগের।
ঔ কারণে লেরিকর ফাংনায় পুরস্কার দেনার কল্পনা-
হানরে তুলিয়া বেলাং। যদি উৎসাহী গিরকগিথানীয়ে
উৎসাহিত অয়া বিভিন্ন লেখকর পাঠ যোগাড় করিয়া
লেরিক ইকরিয়া আমরাং আহের পূজার বন্ধের আগে
দাপেঠেইলে পূজার বন্ধে ব্যাকরণ ইকরতাই
পণ্ডিতউতাই বিবেচনা করিয়া হবা নম্বর পেইতর
উগরে পুরস্কার দিয়া দিতাই। এবছর আমি পাঠশালার
সাহিত্য, ব্যাকরণ ও অন্যান্য নাটক, ইতিহাস,
উপন্যাস, অভিধান, ধর্মগ্রন্থ প্রভৃতি লেরিক পানা-
মনেয়ার। লেংপা গিরিগিথানীয়ে লেরিকহান ইকরিয়া
বুক পোষ্টে দাপেঠেইলে সমিতিয়ে খরচ দিয়া ছুটেয়া
থয়তাই।

হাবিরে অনুরোধ করিয়ার, কোনও গিরকআগই
সাহিত্য লেরিকে তুলানির মত গল্প বা পদ্য বা যে
কোন রকমর পাঠ শ্রেণীহানর উপযোগী করিয়া ইকরিয়া
আমরাং দাপেঠেইলে ঔ পাঠউহান আমি লেরিক
লেংপা গিরিগিথানীরাং দাপেঠেয়া লেরিকে তুলেই-
ভাঙায় এহানাং আমি নিয়াম হারোঅয়ার।

কোন সমাজ দরদী আগই সাহিত্যর লেরিক ইকরানি মনেইলে, বারো আমারে বানাহুংসী পেয়া খবরউহান জানেইলে বিভিন্ন রকমর সাহিত্যর পাঠ দিয়া আমি তাতে পাঙকরে পারতাঙায় বুলিয়া মনেয়ার।

লেখকর প্রতি সমিতির অহুরোধহান বা নিশিং করা নিহান, প্রথমমান শ্রেণীর সাহিত্যর প্রতি পাঠে কঠিন শব্দ ৫। ৬ হান দ্বিতীয় মানে ৭। ৮ হান ও তৃতীয়মানে ৯। ১০ হান থানা থকর। সামান্য কম অইলেউ বাধা নেই তবে নিয়াম অইলে থানি অহুবিধা অর। প্রথম মানে বর্ণ দুই তিনগর শব্দ অনা থকর। পাঠ-উহান ছোট আকারে প্রশ্নোত্তর ৩। ৪ হান থানা লাগের।

আমি পুংনিং হোভা পাঠক পাঠিকারে হেইচা

করিয়ার বে হাবিয়ে আমারে বানা হুংশি পেয়া প্রাথমিক বিদ্যালয়র পাঠ্য সাহিত্যর উপযোগী পাঠ ২। ৩ হান করিয়া আমারাং দাপেঠেয়া চির কৃতার্থ করে দিবাং।

প্রত্যেক ভাষায় লেখ্য ও কথ্য বুলিয়া ভাষা দুহান থার আমার ভাষাহাতৌ দিয়হান আছে বে শব্দহানর শব্দার্থ নেই উহান কথ্য ভাষাহান, শব্দার্থ যুক্ত শব্দ উহান লেখ্য ভাষাহান। যেমন পানি, শব্দ এহানর অন্য অর্থ নেইইলেতে এহানরে কথ্য ভাষায় শব্দহান বুলিয়া ধরানি থকর। তার পরিবর্তে জল শব্দহানরে লেখ্য ভাষায় ব্যবহার করাণি থকর বুলিয়া মনেয়ার। এসাদে করে অনেক শব্দার্থ শব্দ আছে উতারে কথ্য ভাষায় ধরানি বুলিয়া মনেয়ার।

আমার কথা।

গত ১৯শে ফেব্রুয়ারী তারিখে বিষ্ণুপ্রিয়া ভাষায় লিখিত ফাগু পত্রিকা প্রকাশের দিন আহত সভায় নিমন্ত্রিত হইয়া আমি উপস্থিত ছিলাম এবং স্বেচ্ছা প্রণোদিত হইয়া উপস্থিত সভায় বক্তৃতা প্রসঙ্গে বলিয়াছিলাম আমি যদিও অসমীয়া তথাপি দীর্ঘদিন ধরিয়া শিলচরে থাকিয়া কাছাড়ের বিষ্ণুপ্রিয়া সমাজের অন্তর্নিহিত ভাবধারার অনেক কিছু তাহাদের সহিত মিলামিশা করিয়া বুঝিতে পারিয়াছি। বিষ্ণুপ্রিয়া সমাজ একটি বৃহৎ আর্থ্য-সমাজ। আসামের অন্যান্য ভাতিদের নিজ নিজ ভাষাগত পত্রিকা ও পুস্তকাদি যখন আছে তখন এই সমাজের ও তাহাদের নিজ ভাষাগত পত্রিকা ও পাঠ্যপুস্তকাদি থাকা নিতান্ত দরকার বলিয়া মনে করি। ইহার অভাবে এই

সমাজের একটি অঙ্গহানি হইতেছে। ইহা প্রত্যেক পাঠক মাত্রেই বুঝিতে পারেন। সুতরাং তাহাদের এই অভাবটুকু সত্বরেই মোচনের কামনা করি।

বর্তমান ফাগু পত্রিকা পরিচালক সমিতি এই ধারাকে লক্ষ্য করিয়া চলিতেছে। সমাজের সকলের সাহায্য ও সহায়ভূতির তিতর দিয়া তাহাদের এই কামনা সত্বরই সিদ্ধ হওয়ার জন্য আমি ভগবানের নিকট প্রার্থনা করি।

শ্রীনারায়ণ চন্দ্র শর্মা শাস্ত্রী,
হিন্দি প্রভাকর।
নর্ম্যালস্কুল, শিলচর।

মদল্লেই

(উপন্যাসহান) ১ম পরিচ্ছেদ

শ্রীগোপীনাথ সিংহ

১ম বর্ষ কলা

গাঙহান শ্রীপুর। পাহিয়া পলির কঙালা সুরলো
বিয়ান-মাদান হুংশি কলকরিয়া ধরহান। “বারুনী”
ছড়াহান বেকা বেকাদে চেয়া শ্রীপুরর শ্রীহান লামাবারাত
আছি গাঙদেশে মাতেদিরী—গজর উত্তারে বাগানির
মকদুর নেই বুলিয়া বিধির বিধিরে তুকুচা করিরি—
“কিয়া গজেদে ধাবদে হুওয়ারোরীতা বুলিয়া”।

বেলিহান হমাযারগা। দিনএহান পৃথিবীর মাহু
এতারে হারো করিয়া বারো খানি খানি তপ্তা ফাপ-
লাগাদিয়া যিতেগা রাঙিলা রাঙিলা মুক্সি আহানি দিয়া
বাওরীগা কালি আইতৌ বুলিয়া কুরাংথাং হমাযারগা।
ঘরচেরৌয়ে ও চিনকরিয়া হাবি পাহিয়া পলেই ‘চেরেকু
চেরেকু,’ ‘কা, কা’ বার মধুর বসন্তর পৌ বকুরা কঙালা
নারর কোকিল পাহিয়াগো ও বাদ না গেলগা—হাবিরে
“যাগা যাগা,” কালিতে আইতই নাই বুলিয়া মুক্সি
দিলা।

বেলিহমানি বাছা হুওয়ারিয়া আছে বসন্তর লিরি
লিরী বোহান আহানি অকলৌ। তগবানর তঙালপা
ববুল হংকরা মদল্লেইরে, “উরে ধনপতি, মাল বুলিয়া
হেইরাপ্ আকটুকন্ দিয়া গেলগা।

মদল্লেই জনমতৌ টুকন্ হারপেইরিগ। কিয়া
লেরিক লেইসৌ, এলানাচা, হাবিগদে ও তেইরে জিঙিয়া
যাকুরা নেয়। চারিগদে তেই ফিরাল থেংকরিয়া
আছে। এমারী তেইর নাঙহান আরাকৌ কাটিল।
ক্লাস টেনে হাবির গজে অয়া কাইলি।

কিন্তু বিধির লীলা মালক আগর পেটেত্ত তপ্তা আগ
বারো কাম্পা আগ। উরুল্লেই মদল্লেইর খুলিবনকুগ জবর

ঠাকু—থিতর গত বাছ নেই, ছিদ্র বিছারানির যম্গো।
সাদহান ইজ্জু ভগবানে ডালিয়া দেছে। আর আর
গুনমানতে জগদীশ্বরে লেইলেকু অ পড়িয়া কিত্তাউ
নাদে বেলাছে। সাদে হবা কুমারার বাকল
উহান উরুল্লেয়ে আছে। মদল্লেইর লগে নিক্কা দা
ধরাধরি।

ছড়ারপারগত হারোপার মেলা এখুরুম্। “কুরাং
থায়া দেছরী, মোর প্রাণেশ্বরী”—এলাদিয়া আহের
পুক্চেল ওজার পুত্ক “ধনপতী” ঘরে মালকেতে
‘কাকলেল’ বুলিয়া ডাহিরী। তা এমারী বি, এ পাশ
করানির থাকে যিতইগা। কনাক্ত ‘মদল্লেই’র লগে
ভাতে হৌয়ে। আজি চারিবছরর পিছেদে দেহাদেহির
ডাক পড়িল। হারোপার জোঁয়াড় কাইল। মদল্লেই
নারগত্ চিন্ল কাকলেলদা পাউরী বুলিয়া মনে মনে
গুড় গুড়েইতে ফঙয়া ছরাদে নিকুলিল—“কাকলেলদা
পাউরী”। হনল উরুল্লেয়ে—“বাসা গিথান্ক এখুরুম
হারপেইতেইতা” বুলিয়া খেপদরিয়া উবাইলি। মদল্লেই
ধাবদিয়া মুঙর পথগদে নিকুলতে ও আহিথম্ ঝলকেইল।
পিঞ্জুরার পথগত্ উবা আছে ধনপতি, তেইর কাকলেলদা।
কঙালা করিয়া ডাকলতা ‘মদল্লেই’।

কতি কঙালা করিয়া ডাকলতা বুলিয়া তেয়ো
কাকলেল্ বুলিঙ্ বুল্তে ‘কঙালাদা’ বুলিয়া মাতেবেল।
তাহু নাগি হমকরা হমকরী দিতে বারুণী ছড়ায় খলক্
খলক্ আহিয়া থতাহান জিপেয়া যিরিগা। মদল্লেয়ে
উল্টিয়া চেইরী বার উরুল্লেয়ে নাগাল পেইল পাউরী
“বুলিরী”।

‘না, কইতে আগগও নেয়’ বুলের ধনপতিয়ে।
‘অঙতাহান ছড়াএহানর পানির ডাকহান’ মাতিরি
মদল্লেয়ে। ‘হায়, উহান অইল’ বুলিয়া ধনপতি
চেপয়া দিয়া আহের।

মদল্লেইর হারোপার সীমা নেয়ইল। আংকরিরি—
“পরীক্ষাহান কিযে দিলে, ডিভিশন থাইবতা?”
“বাক্সা হবা অইল, তিতে উনি খেছেছত্-হাবির গজে”
বুলিয়া মুর্গ জাকারেয়া মুক্সি দিল।
মদল্লেই ও মুক্সিহানাত খানি পাংকরল হানতে শব্দহান
নিকুলিল—উরুল্লেইর কানে পড়িল।

উরুল্লেই কি কি করিয়া আইরি—“মদল্লেই ইচে!
শক্যাতে কুরাওএ? ধনপতির উগদে চেয়া—‘উবাই
কাকুলেলদানা কিতা? মিতে নাদেহিয়া বুলিয়া বলে
হেইরাপ দাঁতগি নিকাল্ল। মদল্লেয়ে—‘ইস্ ভগবান!
বুংগদেস্তো আয়া...’ বুলতেউ উরুল্লেয়ে থক্ কথাহান
দয়া মাতিরি।

‘কিতা ইস্, গারিগ পুরপুরাখাও?’ আঙ্গুলী
দেহেয়া ‘বোপ্পেইচ্-না’।

‘সিঙইচ্, মোর লগে না টটরেইচ্-বুলেশ্তানা,
লাজহান নেয়তা?’ মাতিরী মদল্লেয়ে।

ধনপতি খুতুমুত্ খা পড়িলগা। মাতের—“বাছেইহে
তুমিতে কাইবিতল অ যারাইগা, কনাকর উহান
এবাকাও আছেহান অছেথাক!”

উরুল্লেয়ে মাতিরি—টটরেই মনেইলউতা, ধনপতির
উগদে চেয়া হবাগো পারা অয়া ঘরেদে হমেয়া যিস্গা
কাকুলেলদা! “মি যাওরিগা”

চরিতখিপি উরুল্লেই বাউরিগা বুলিয়া কাদার উরিছপাত্,
লুকয়া থাইলি।

‘সাঙইলাং’ বুলিয়া মদল্লেয়ে ধনপতিরে মাতিরি
‘মনহান হিনপেইলে পাউরী কাকুলেলদা?’ “না

পাণ্ডলীগর কথালতে কিতা বার হুঙেই না হুঙেইনি’
বুলের ধনপতিয়ে।

শক্যাকার মাম মাম আঁধারহান। ধনপতিয়ে
মদল্লেইরে মদুয়া করিয়া দেহেরহানতে ছিতিডি বিতিডি
অছে চুলউগাছি মাঠিয়া দিয়া মাতের—“মদছত্তার,
নাঙহানে মদল্লেইতাই চপ্ক সমান অছে”।

মদল্লেয়ে মুক্সি দিয়া—“বাসা, বেনা’হে জাংলোতে
কিতাথাং এম্ এ দেনার চেষ্টা নেগা” বুলিয়া কেথক
করিয়া মাতিরি। না উতা আমার দ্বারা নাইতই,
ধন উগ হাবির পৌ পেইলে নিক্কা মোর বাপ্ক উগই
তপ্তা হললো বিদেয়া থইতই। তিহে কির কির
ঠেলোয়া বি, এ, এম, এ দিয়া জাতর মেংসেলহান অ
পড়গা” বুলিয়া মাতানিয়ে ধনকা কি ঠেকা, মি...”
বুলিরি মদল্লেয়ে।

“তি কিতা?” মাত্-বুলের ধনপতিয়ে।

লাজপা লাজপি করিয়া মাতিরি খানিমানি
চেইতো বুলুরিতানা। পেলয়া, রসেবুজিরা “হাঃ, হাঃ,
হাঃ,” আহিয়া, ধনপতিয়ে মাঠিয়া দিয়া মাতের
শক্যাহান গেলগা, কালি আইতো, বারো না ফুরতৈ
যাগা, মিঙ মিংগা।

হমাদিয়া মদল্লেয়ে “হায়দে, কালিতে শয়নাইছ”।
উরুল্লেই উরিছপাত্ত বৃতকো নিকুলিয়া—“পাণ্ডলীগড়
কথালো কিতা হুঙেই না হুঙেইনি” বনকরে চেয়া
‘মি খানিমানি চেইতো’ হাবি ছনেছে উতা প্রকাশ
কলো।

তাহুরতা মোরে বজ পড়িল। ধনপতিয়ে কিংকো
যাতেয়া মাতের “উরুল্লেই! আজি হমাহুওয়ালু,
কালি আইতো শয়নেই,” হ্ হ্ দিয়াযাগা।

জরুরী খবর আহান

আমার নরসিংহ পুরেত্ত গত কার্তিক মাহাত শিক্তি
ভদ্রলোক আগো মণিপুৰে গেছিল গা। গেছিলগা
উদ্দেশ্যতে “জাতীয় ইতিহাস আহান” ইকরিয়া
হদাছে উহানাং সন্দেহ মূলক তথ্যখানি বিছাৰাণীকা
ভদ্রলোক উগো মাসাধিক কাল মণিপুৰে থায়া ঘৰে
আইল। আমাৰ জাতি এহান বজ্জবাহনৰ প্ৰকৃত বংশধৰ
বাৰো জন্মভূমি মণিপুৰ, লেপকরাণি মনেইয়া তথ্যাদি
অমুসন্ধানেনেও বহুৰূপা খৰচ কৰে নৈৰগা। ভদ্রলোক
উগোয় য়াৰি আহান দিলতা—বৰ্ত্তমানে মণিপুৰে
বিষ্ণুপ্ৰিয়া ও মৈতৈ মণিপুৰীং জাতীয় আন্দোলন
চলেছে। মুখামুখি বাদানুবাদ বা তৰ্কবিতৰ্ক কৰিয়া
নাগই—ভিতৰ ভিতৰেদে। বিষয়হানতে—বজ্জবাহনে
হস্তিনাত্ত “বিষ্ণুবিগ্ৰহ” আনিয়া সেবাপূজা কৰেছিল।
মণিপুৰ সরকার তথ্য উহান হাৰপেইয়া মন্দিৰগো
আছিল জাগা উহানাং (বিষ্ণুপুৰৰ “বিষ্ণুগী উমাংলাই”
বুলতারা জাগা উহান) “বিষ্ণুমন্দিৰ” আগো হংকরিল
যোগাড কৰেৰ। সম্ভব এবাকাতে হংকরাণি আৰম্ভ
অ-থাইব। মন্দিৰগো লয়ইলে “বিষ্ণুবিগ্ৰহ” স্থাপন
কৰিয়া, সেবা পূজা কৰানীকা মণিপুৰী জাতিরাং
সমজেইয়া দিতয়। সেবাপূজাৰ তার মণিপুৰ সরকারে
বহন কৰতয়। রাজ্যেৰ মাঝে প্ৰচাৰ কৰেদেছে তায়
—জাতি দ্বিয় হানৰ—যে জাতিয়ে বজ্জবাহনৰ বংশধৰ
বুলিয়া প্ৰকৃত পৰিচয় দিয়া পাৰতায়—উতায় মন্দিৰ
এগোৰ সেবাদাৰী পেইতায়। ম্যাদতে আগামী কার্তিক
মাহাৰ ভিতৰে। মৈতৈ রাজকুমাৰ আগো (মণিপুৰ
ইতিহাস প্ৰণেতাগো) মন্দিৰ এগোৰ সেবাদাৰী নিযুক্ত
অনাৰকা দাবী চালাছেনি।

মহাসভা বইলে আমিতে বজ্জবাহনৰ বংশধৰ বুলিয়া
কথায় মাতিয়াৰ উহান—ঘটনাচক্ৰে পড়ে পড়িলগা।

এবাকাতে খাৰাপুৰা অনা ধকৰ, নচেং মৈতৈয়ে
নিতায় গা। তাহুৰ তাতে ইতিহাস পুৰানৰ অভাৱ
নৈয়—দেখেইতায়। মণিপুৰে আছি বিষ্ণুপ্ৰিয়া উগীতে
তাহুৰ তুলনায় ছটাক আহান—ডৰপেইয়া পাবাৰ
কৰিয়া কোন্ কথা আহান ওজুৰে হুয়াৰ তারা।
ইতিহাস পুৰাণৰ চাৰ আঙলা চে টুকুৰা আহানো
নৈ। মেয়াং লৈপাকৰ্তা খাৰা নাইলে নাইতয়।
এ থুকুম বিষ্ণুমন্দিৰ এগোৰ সেবাপূজাৰ তার
নাপেইলেতে আৰ বজ্জবাহনৰ বংশধৰ বুলিয়া মাংলেউ
কিত্তাউ কানা নাইতয়। এসময় এহানাং কোনগো
খাৰা অ-পাৰতারা প্ৰস্তুত অইয়া মণিপুৰ সরকার
লগে লেখাপড়া কৰাণি থকৰ।

খাৰা অ-পাৰিল জন নৈয়ইলেতে “জাতীয় ইতিহাস”
ইকৰেছে ভদ্রলোক মহাশয় এগোৰ লগে তিলয়া
উহান সত্ত্বৰ মুদ্ৰিত কৰিয়া প্ৰচাৰ কৰাণি থকৰ্তানা
কিতা?—দিন থাইতে। ভদ্রলোক এগোৰ অবস্থা
নিতান্ত শোচনীয় রূপা পয়সা জট কৰে নিকালেয়া
মুদ্ৰিত কৰে নারতয়। বিষ্ণুপ্ৰিয়া সমাজ আমি হাসিয়ে
সাহায্য কৰিয়া ম্যাদৰ ভিতৰে নিকাল বাংনা কিতা—
হাসিয়ে খাল কৰিক দিনহানতে পড়িল। মি উন্টেয়া
পাণ্টেয়া পাকুৰেছ গো। আশাকৰুৰি—এহান
প্ৰচাৰ কৰলে আমাৰতা সাফল্য মণ্ডিত অয়তই।
ইতিহাস উহান ছাপা কৰলে সম্ভত: ১৫০ পৃষ্ঠাৰ মত
অয়তই। ইতিহাস উহানৰ নাঙহান অছেতায়।

প্ৰাচীনা ধুনিক সংক্ষিপ্ত মণিপুৰৰ ইতিহাস

(ক্ষমূল পুৰাণেৰ আবিৰ্ভাব)

শ্ৰীসেনাচাউবা সিংহ পাটোয়াৰী

সাং বেকীৰপাৰ

পোঃ কাবুপঞ্জ (কাছাড)

পত্রিকা সম্পাদকর কথা

শ্রীকৃষ্ণবাবু সিংহ রাজবংশী

হে ভগবান, নূয়া বছরহান হমেইল, ঘুমন্ত বিষ্ণুপ্রিয়া সমাজরে হজাক করিয়া তামুর নিজর নিজর কামে লাগানির চেতনহান দিয়াদে বারো ধনে ভনে মানে হাকিতালো হোবা করে লাল করিয়া নিয়া দেগা, এহান ভিক্ষা হান করে মাগুরিতা।

হে ইমা বিষ্ণুপ্রিয়া ভাষা, নূয়া বছর এহানাং তর অনাথ জিপুত এতাই ইমার সেবাং লাগিয়া থানার মত বর দিয়াদে। হাকির পিছে সমাজর অন্তরঙ্গ হুংসিপা ভাঙার উগর নিঝারা পানি উছিটা সর্বদা পানা মনাউরি। আশাকরুরী, মঙ্গলময়ের কৃপায় হাকিরো মঙ্গল অয়া আছি। হাকিরে হমা দেউরী। তার পিছে তলে ইকরা কথা এহানি হাকির চরণে কাংকরুরি। বানা হুংসি পেয়া এহোভানেই ফাগু পত্রিকাহানরে হোভা মিলেঙ হানলো চাদিবাং।

অন্যান্য জাতর লগে ভালবাসার সহকরহান থানাকা পত্রিকাহানাং অনুবাদখানি ইকরাং।

ফাগু পত্রিকাহানর ঘরগো নিয়াম হক আছে। উহানেতে মাল নিয়াম নাচেলর। উহানলো সুহৃদয় লেংপা গিরিগিথানির ইকরা প্রবন্ধউতা হাকির দ্বিতীয় সংখ্যা হানাং তুলে হুয়ার্লাং। উপযুক্ত উতা পিছেকার সংখ্যা হানাং তুলানির চেষ্টা করতাঙাই। প্রবন্ধে বানান ভুল অয়লে শুদ্ধ করিয়া তুলতাঙাই, কিন্তু শব্দ ভুল অয়লে না তুলতাঙাই। শব্দ শুদ্ধ করানিকা অনেক আপত্তিহনলাং। ডাঙর প্রবন্ধ বা পদ্য কম দিয়া হক জিনিষ নিয়াম দিলে হাকির মন রক্ষা করানির চেষ্টাকর্তাঙাই। ফামর অভাবে নিজর কথা কম ইকরয়ার বারো মোর নিজর লেংকরা পদ্য উতা নাতুল্লাং। জাগরণ কবিতা কমেয়া গল্প ইকরিয়া দিলে প্রয়োজন বোধে পাঠ্য লেরিকে তুলানি একর্তই।

“উঠহাবি বিষ্ণুপ্রিয়া”

শব্দ আহান হনিয়ার আজি—“উঠহাবি বিষ্ণুপ্রিয়া।”
পথে ঘাটে হাবি জাগাত আজি হমিয়ার,
“প্রাণপণে ভাগিয়া বেলা লোহার ফাটকঘর,”
হে কপাল পোড়াগাছি! মনর দুঃখল না থাইয় কাঁদিয়া।”
আমার দুঃখ হাবি হারপেয়া যেতায় পাগল অছি,
* উতায় আহির পানি বেলতারা দুঃখ হাবি দেহিয়া,
তামুর আহির পানিয়ে পাহাড় পর্বত ভাগিয়া;
ঘাটহান অয়া ধাপ দেব, আমি উতা চেয়া আছি।
আজি বিষ্ণুপ্রিয়ার ঘরে ঘরে যুবক হাবি জাগলা

নিগুড় আধারর দেওয়াল হাবি ভাগিয়া,
আলোকর বেদে আইলা তামু ছুটিয়া,
মনহান খুসী দেহিয়ার তামুর, দিতারা নোয়াএলা।
উঠ হাবি বিষ্ণুপ্রিয়া কিয়াকা থাইলায় ঘুমজিয়া।
হাবিরাং আজি পরিচয় দেই, আমিও তামু বুলিয়া ॥

শ্রীকৃষ্ণধন সিংহ

(নিত্যানন্দপুর এম্, ভি: স্কুলর সহকারী পণ্ডিতগ)

জাফিরবন্দ (কাছাড়)

আহের ত্রিভূনিবাস চাটার্জি

রহিল দিনহান ১৯৬০ ইংরেজীতে ।
রৌহান গেলগাতা বিষ্ণুপ্রিয়া গরেতে ।
শব্দহান ছনলা, থিয়াল নাকরলা ।
বেরয়া থাইলা, কায়েউ না আংকরলা ॥
আহের গোলাহান মেইতেই ঠারহান ।
বুরেয়া নিতইগাতা আহের বছরহান ॥
ফন্ধি সন্ধিয়ে নাইতই কানাহান ।
দন্তরন্ত কবতইতা চুবমারহান ॥
উঠ—বিষ্ণুপ্রিয়া সময়হান থাইতে ।
আতিয়ার হংকর বার না বাজতে ॥
বিছারানি লাগতই আঠালি মাটি ।
বেলাদেনা লাগতই পলিমাটি ॥
গোলাহান আহেরতা ঈশান কোণেদে ।
বাহুয়েইতইতা পইলা কাছাড়েদে ॥
পিছেদে জিতইগা ত্রিপুরারবেদে ।
গাঙগর বুরতয় চেইতে চেইতে ॥

ভাবার্থহান—ইংরাজী চলের (১৯৬০ ইংরাজীতে)
এবছর মৈতেই ভাষা এহান মণিপুরী হাবিরে স্কুলে
তামকরানির কা গাঙর স্কুলে স্কুলে অনুমতিহান্ গেল্গা ।
আহের বছর জবরদশ করে অনুমতি দিয়া বিষ্ণুপ্রিয়া
জাতরে বাধ্য করিয়া হিকেইতাই । আমার সন্ধি, ঘরর
ভিতরর ফন্ধি এতাই কিত্তাউ কানা নাইতই । আসামর
অধীন কাছাড়ে পইলা ভাবাহান চলতই পিছেদে
ত্রিপুরাদে জেইতইগা । অনুমতিহান শিলঙেত্ত
নিকুলতই । উহান বন্ধ করানিকা আঠালিমাটি (হবা
হবা লেরিক) যোগার করানি লাগতই, উতালো ডিসেম্বর
মাহানর আগে শিলঙে গিয়া বাধগো দিলেগা গোলাহান
(অনুমতিহান) বন্ধ অইতই । হে বিষ্ণুপ্রিয়া সমাজ
হাবি, অইলগা ঘুমন্ত উঠ— । গোলাহানাত্ত জিংতা অনা
মনেইলেতে হবা হবা আঠালি মাটি (লেরিক লেইসৌ)
ষোগাড করিক্ । স্কুলে আমার ঠালৌ তামকরানির
লেরিক নিকালেইক্ ।

নিয়াম দুঃখর কথা

ফাণ্ড পত্রিকা হানর পইলা সংখ্যা হানাং রূপা
পুরস্কার দিয়া ফাংনা (প্রতিযোগিতা) আহানর কথা
ইকরেছিলাং । দুঃখর কথা, প্রবন্ধ আহান পেইলাং
সমাজ গঠন সম্বন্ধে প্রবন্ধ ফাংনা আহান বারো
ইকরলাং । ৩০ । ৫ । ৬০ইং তারিখর ভিতরে প্রবন্ধ
পানা মনেয়ার । পুরস্কার হাকির গজে নম্বর পেইতই
উগরে রূপা ৫, পাঁচহান দিতাঙাই । পইলাসংখ্যা-
হানাং ৫০০ শত পত্রিকা বেছিয়া রূপা বার ১২ হান
পেইলাং । পত্রিকা বিলি খরচ রূপা ১৭, সতরহান ।
ছাপার খরচ পানার গন্ধ নেই ।

ভারত চন্দ্র সিংহ ।

আজি দিলে ইমা

শ্রীমতী মনোরমা সিংহ
সিঙ্গারী ।

আধারর পথগত, আমারে,
লেম্গল আইলে পথগ চিন্‌করে ।
আছিলো ইমা তরে ডাহে ডাহে,
দেহুয়া দিলে আজি আমারে,
দ্যৌ বিলুকানী পারা করে ।
লুকেয়া থছত্ মেঙাল যেতা,
দেহুয়া দিলে আমারে উতা,
মাগিয়ার ইমা, জনম জনমে,
লেমগো অয়া থাইস হাবিরমনে ।

বিষ্ণুপ্রিয়া ভাষার ব্যাকরণ

ভারত চন্দ্র সিংহ।

আহের আশ্বিন মাহার পূজার বন্ধে তলে নাও ইকরেছি পণ্ডিত গিরক এগিয়ে তিলয়া বিষ্ণুপ্রিয়া ভাষালো মেটিকর উপযোগী ব্যাকরণ আহান রাজার গাও ও মাদই গাও ভাষা দ্বিহানর মিশ্রণ ভাষা আহানলো লেংকরে দেনাকা আমার সমিতিয়ে গিরক এগিয়ে চিঠি দিয়া ও পত্রিকায় ইকরিয়া নিয়াম হেইচা করিয়ার। আশা করিয়ার কঙালা অস্তর পোষণ করিয়া থছি। গিরক এগিয়ে লেইরাপা বিষ্ণুপ্রিয়া সমাজ এহানর অভাবহান মোচন করে দেনাকা হারো হারো অয়া একরিয়া স্বীকার পত্র আকেইহানলো আমাবে তরাকরে জানেইয়া ব্যাকরণহান লেংকরাণিকা এবাকান্ত তৈয়ার অনি অকর্তাই। ব্যাকরণ এহান ইকর্তে কয়দিন লাগতই, উহানর আনুমানিক সংখ্যা আহান আহের শ্রাবণ মাহানর শেষের দিকে আমারে জানা দিলে তিলনীর যো গাড়হান করতে আমারতা খানি মানি সুবিধা অইতই। পণ্ডিত এগির বাতায়াতর সাধারণ খরচ লেইরাপা সমিতি এহানে দেনা মনৈয়ার।

লেংপা পণ্ডিত গিরক এগির নাও ও ঠিকানা।

- ১। পণ্ডিত মানিকবাবু সিংহ কাব্যরত্ন, সাং পাকইপাড়
পোঃ কাবুগঞ্জ জিং কাছাড়।
- ২। " গোলাপবাবু সিংহ বি. এ. বি. টি সহ হেড-
মাষ্টার, ধলাই হাইস্কুল পোঃ ধলাইবাজার।
- ৩। " জগৎমোহন সিংহ বি এস-সি. অধ্যাপক,
নর্ম্যালস্কুল পোঃ শিলচর।
- ৪। " মদনমোহন মুখার্জি বি. এ. হেডমাষ্টার
বাজারঘাট হাইস্কুল পোঃ বাজারঘাট।
- ৫। " সেনারূপ সিংহ কাব্যতীর্থ ভূতপূর্ক পণ্ডিত
সরস্বতী চতুষ্পাঠী, দুর্লভছড়া সাং বিষ্ণুপুর
পোঃ দুর্লভছড়া।
- ৬। " গোকুলানন্দ গীতিস্থানী রাতাছড়া পোঃ
কাঞ্চনবাড়ী জিং ত্রিপুরা।

ফাগু পত্রিকার পাঠক পাঠিকারাং সমিতিহানর হেইচা

ফাগু পত্রিকাহানর হরা পুচ্চেলর পাঠক পাঠিকারে সমিতিয়ে হমাদিয়া হেইচা করিয়ার যে আমার সমিতি এহান অতি লেইরাপা ঘরর সৌ কতগো আহানে অকরেছিহান পত্রিকাহানর দাম রীতিমত না পেইলে আমি চলে ছুয়ারিয়ার। আমারে হাবিয়ে নিজর জি পুত বা ভেই বুনি বুলিয়া বানাহুংসি নাপেইলেতে আমারতা জিংতা অনার পথ নেই। পত্রিকাহানর দাম রীতিমত দিলেই আমি কোনরকমে জিংতা অয়ার। বরাবর দেনার অসুবিধা অইলে আগে অথবা ৩ তিন সংখ্যা পানার লগে লগে একসঙ্গে হাবি দিলে হোভাঅর। চতুর্থ সংখ্যাহানর আগে দাম নাপেইতাঙাই উতার পত্রিকা, পয়সার অভাবে ছাপা নাইতই। বছরে পত্রিকা ৬ হান, তার দাম ৬ ছয় সিকি মাত্র।

ভারত চন্দ্র সিংহ।

বিষ্ণুপ্রিয়া ১৮শ মহাসভা

ইংরাজী গেলুগা মার্চ মাহানর ২৮/২৯শে তারিখ ১৪/১৫ই চৈত্র ১৩৬৬বাং দ্বিয দিনে প্রতাপগড়র এলাকায় লোহার পোয়া বুলতারা গাও, উহানাং বিষ্ণুপ্রিয়া সমাজর ১৮শ অধিবেশনহান অয়া গেলুগা। ধর্ম্মনগরর রাজবাড়ী বুলতারা গাওর শ্রদ্ধেয় ক্ষীরোদশায়ী বন্দ্যোপাধ্যায় স্মৃতিভূষণ বুলতারা গিরক উগই সভা-মাণুগর ফামহান অলংকৃত করিয়া সভাহান অতিহোভা অয়া সম্পন্ন অয়া গেলুগা। তার গজে লোহার পোয়ায় শ্রদ্ধেয় নীলমাধব বুলতারা বামুন উগই ঢাক তিনগোলো আকসাটে বাজেয়া ও নাছা দেহেয়া সভা-হানরে আরাকৌ চমৎকার করিয়া তুল্লো। অন্যান্য বিশেষ ২ আলোচ্য বিষয় উতা পিছর সংখ্যায় নিকুলতই।

ইমার মানহান

গীতা সিংহ

সিঙ্গারী

জিগর মেইরিক পাড়া দিয়া
আটানি লাগতৈ মিঙাল-আঁধারে,
ফুয়া হুকুলের বুলিয়া—
পিঠিত নাথায় কঙালাছায়া।

অইতৈ আজি অইতৈ বুলিয়া—
আশা হাবি মনে থয়া, করানি লাগতৈ—
হতাশ নায়া, বুকভরা সাহস থয়া,
ইমার দুঃখে চেইক বুলিয়া।

জিগর মেইরিক চুঘল ঘোরানি নাগই,
পুরতো ওঁহান হারপাছিহান;
নোয়ার্তাই “তাহু” নোয়ার্তাই, যেহান আমাহান।
ধরিয়া থইতাঙাই চেৎকরে ইমার মানহান।

বেয়াপা-বেইবুনি হাবি তিলয়া—
মাতিক ওঁহান আমাহান।
বাধা দিলে নাকর-তাঙাই
ইমারকা বুলিয়া মরতাঙাই।

ফাগু পত্রিকার ঠিকানা পরিবর্তন

ইংরাজী আহের জুন মাহানর ১৮ই তারিখে
ফাগু পত্রিকা হানর ঠিকানা হান পরিবর্তন অয়া তলে
ইকরা ঠিকানা হানাং যিতইগা।

সম্পাদক/কোষাধ্যক্ষ
ফাগু পত্রিকা অফিস
দুর্লভছড়া ষ্টেশন রোড,
পোঃ দুর্লভছড়া
জিং কাছাড়।

পথগ আকগ

শ্রীসমরজিৎ সিংহ

শনিছড়া, ধর্ম্মনগর।

জীগ লাগিয়া হদেয়া যেবাকা নিভানি বিস্তা অর,
উপেইর মাঝে ঘি খানি ঢাললে জীগ গম্‌কো অর।
গরমর পুড়ানিহানে গাছ যেবাকা ছকিয়া থার,
বরনর পাণি ফুটি পেইলেই বারো তাজা অর।
ম্যালেরিয়ার নোয়ারাগতে মরতই বুলতে
তারে থক্কো জিংতা করে পারের কুইনাইনেতে।
চাতকগ বরনরকা যেবাকা আটিংগাহানাত ফরদের
বরনফুটি পানাই হারোঅয়া জমহানাত যাদের।
রৌদে পুড়িয়া ছকেয়া যেবাকা মাটিহান থার
বরনহান পানাই মাতের জিংতা অইতো না মরতোআর।

× × × ×
উতা হাবি পালতায়ালো কিতা কানা অইতই তা
মরানির সময়হান আইলে ইমে ও মরতাঙাই তা।
খানিপারার মুঙেই হানল হারোঅনা না করেব,
দিনর মন্দই লাগাল পেইলে কিস্তাউভরনা ধরের।
যেগর লেইপাকে যেহান আছে উহান যেসাদেও অইতই
উহান ছাড়া একশ কাঁদিয়াও কিতাউ কানা নাইতই।

বিশেষ বিজ্ঞপ্তি।

ফাগু পত্রিকা—প্রতি সংখ্যা ২৫ নয়া পয়সা।

১। চিঠি দেনার ঠিকানা :—

সম্পাদক, ফাগু পত্রিকা অফিস।

জয়ন্তী প্রেস, শিলচর কাছাড়।

২। রূপা দেনার ঠিকানা :—

শ্রীমদনমোহন সিংহ রাজবংশী।

কোষাধ্যক্ষ।

নর্ম্মালস্কুল বোডিং।

পোঃ শিলচর, জিলা কাছাড়।